

UNIVERZITET U SARAJEVU – STOMATOLOŠKI FAKULTET SA KLINIKAMA

Na osnovu odredbi Zakona o radu („Službene novine FBiH“, br 26/16 i 89/18), Jedinog Pravilnika o radu Univerziteta u Sarajevu, Pravilnika o unutrašnjoj organizaciji i sistematizaciji radnih mjesta na Stomatološkom fakultetu sa klinikama Univerziteta u Sarajevu, Uredbe Vlade Kantona Sarajevo o postupku prijema u radni odnos u javnom sektoru na teritoriji Kantona Sarajevo („Sl. novine KS“ br. 19/21 i br. 10/22), Uredbe Vlade Kantona Sarajevo o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo („Sl. novine KS“ br. 37/20 i br. 27/21), a u vezi sa Odlukom Vlade Kantona Sarajevo broj: 02-04-42154-22/22 od dana 13.10.2022. godine, te na osnovu člana 71. Zakona o visokom obrazovanju Sarajevo („Sl. novine KS“ br. 36/22), Univerzitet u Sarajevu – Stomatološki fakultet sa klinikama raspisuje:

JAVNI OGLAS za prijem u radni odnos na neodređeno vrijeme

Za radno mjesto:

1. Stomatološka sestra na klinici, 1 (jedan) izvršilac na neodređeno vrijeme;

Pored Zakonom propisanih uslova za zasnivanje radnog odnosa kandidati treba da ispunjavaju i sljedeće uslove:

- Srednja zubotehnička škola - smjer stomatološka sestra
- Položen stručni ispit

- Iznos osnovne plaće: okvirno 1.215,62 KM

Opis poslova:

Kontroliše ispravnost zdravstvenog kartona; Priprema stomatološku aparaturu i instrumente, lijekove itd.; Saraduje sa stomatologom i pomaže mu kod svih stomatoloških zahvata; Saraduje sa zubnim tehničarem u vezi sa terminima; Naručuje pacijente za daljnje posjete; Brine se za racionalnu potrošnju lijekova, instrumenata i materijala; Organizira dostavu i primanje rublja, zaštitne obuće i odjeće; Naplaćuje participaciju za stomatološke zahvate; Održava opremu i sredstva pomoću kojih se obezbjeđuju uslovi rada doktora stomatologije- specijaliste (tehničko aktiviranje aparata, dezinfekcija radnih površina, kompletiranje instrumentata, pripremanje predškolske i školske djece za pregled); Asistira doktoru stomatologu-specijalisti uz pripremanje instrumenata i medikamenata potrebnog u toku tretmana pacijenta prilikom liječenja; Učestvuje u ostvarivanju programa stomatološkog zdravstvenog prosvjeđivanja predškolske i školske djece i njihovih roditelja; Obavlja sve administrativne poslove: šifriranje zdravstvenih usluga u zdravstvenom kartonu, unosi šifrirane usluge u kompjuter, vodi medicinsko- statističku evidenciju dnevnog rada ordinirajućeg doktora i rukovodioca klinike, sačinjava dnevne i mjesečne izvještaje, tehnička i računarska obrada podataka za potrebe naučno-istraživačkog rada; Provodi izradu izvještaja o pruženim zdravstvenim uslugama po nalogu šefa klinike; Stara se o ispravnosti i pravilnom održavanju i korištenju aparata, instrumenata i drugih sredstava rada; Kontrolira održavanje čistoće i higijene u prostorijama klinike; Aktivno učestvuje u pružanju stomatoloških usluga pacijentima posebno djeci tako što prati ljekara u svim fazama rada, pomaže osvjetljavanju radnog polja pri radu; Kompletira i vodi brigu o antišok kompletu; Obavlja i druge poslove po nalogu i uputstvima glavne sestre - organizira dostavu i primanje rublja, zaštitne obuće i odjeće, Naplaćuje participaciju za stomatološke zahvate; Obavlja i druge poslove po nalogu nadređenog rukovodioca;

Pored uslova koji su navedeni pored svake pozicije, potrebni dokumenti koje kandidati treba da dostave za sve pozicije (originali ili ovjerene kopije) su:

1. Svojeručno potpisana prijava na Javni oglas sa kontakt podacima (adresa, broj kontakt telefona i e-mail), sa tačnom naznakom pozicije / radnog mjesta, te popis dokumentacije koju kandidat prilaže uz prijavu na konkurs na koju se kandidat prijavljuje (obavezno upisati naziv radnog mjesta i na koverti);
2. Biografija (CV),
3. Uvjerenje o državljanstvu (ne starije od 6 mjeseci od dana izdavanja od strane nadležnog organa),
4. Izvod iz matične knjige rođenih,
5. Diploma o stečenom obrazovanju,
6. Potvrda o radnom iskustvu - original ili ovjerena kopija **nije obavezna za prijavu na javni oglas** (potvrda poslodavca kod kojeg je kandidat radio ili radi, sa obaveznom naznakom o stručnoj spremi

sa kojom je obavljao navedene poslove, i naznakom ukoliko je kandidat zaposlen na određeno vrijeme - **dostavlja je kandidat koji imaju prednost pri zapošljavanju u skladu sa posebnim zakonom – naziv naveden pod „Napomene“**).

7. Prijava prebivališta/boravišta u Kantonu Sarajevo, ne starija od datuma objavljivanja ovog Javnog oglasa (**dostavlja je lice koje ostvaruje prednost prilikom zapošljavanja u skladu sa posebnim zakonom – naziv naveden pod „Napomene“**)
8. Potvrda o nezaposlenosti Službe za zapošljavanje Kantona Sarajevo, ne starija od datuma objavljivanja ovog Javnog oglasa (**dostavlja je lice koje ima prednost prilikom zapošljavanja u skladu sa posebnim zakonom – naziv naveden pod „Napomene“**)
9. Dokumentaciju kojom se dokazuje status korisnika prava po Uredbi (**dostavlja je lice koje ostvaruje prednost prilikom zapošljavanja u skladu sa posebnim zakonom – naziv naveden pod „Napomene“**).

Dokumenti koji se dostavljaju kao dokaz sadržani su u tabeli koja je sastavni dio javnog oglasa.

NAPOMENA:

Kandidati koji ispunjavaju uslove bit će obaviješteni o terminu i mjestu polaganja pismenog i usmenog ispita putem web stranice Fakulteta www.sf.unsa.ba.

O konačnim rezultatima (nakon provedene konkursne procedure) kandidati će biti pismeno obaviješteni.

Rok za prijavu je 15 dana od dana objave Javnog oglasa u dnevnim novinama, na web stranici Univerziteta u Sarajevu, Univerziteta u Sarajevu – Stomatološkog fakulteta sa klinikama: www.sf.unsa.ba i na web stranici Službe za zapošljavanje Kantona Sarajevo.

Kandidati koji smatraju da imaju prednost iz člana 19. Uredbe o postupku prijema u radni odnos u javnom sektoru na teritoriji Kantona Sarajevo (Sl. novine KS, broj: 19/21 i broj: 10/22) su dužni priložiti odgovarajući dokaz (potvrda, uvjerenje i sl.) pozivajući se na poseban propis po kojem imaju prednost, odnosno u skladu sa Uredbom Vlade Kantona Sarajevo o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Sl. novine KS“ br. 37/20 i br. 27/21).

Nepotpune, neblagovremene i neuredne prijave (kopije tražene dokumentacije koje nisu ovjerene) neće se uzeti u razmatranje.

Kandidati čija dokumentacija nije ispravna će biti obaviješteni pismenim putem da nisu na spisku kandidata među kojima se provodi izborni postupak sa navođenjem razloga neispravnosti dokumentacije, uz mogućnost uvida u dostavljenu dokumentaciju.

Poslovnik o radu Komisije za provođenje javnog oglasa objavit će se na web stranici Fakulteta www.sf.unsa.ba.

Prilikom zapošljavanja prednost imaju lica sukladno Zakonu o dopunskim pravima boraca - branitelja BiH („Službene novine Kantona Sarajevo, broj: 45/12, 26/14, 46/17, 18/19, 20/20, 24/20, 31/22), Zakonu o pravima demobiliziranih branilaca i članova njihovih porodica („Sl. novine FBiH br. 54/19, 29/22), odnosno Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20, 27/21), Uredbi o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo“, broj: 19/21, 10/22) i Instrukcijom o bližoj primjeni kriterija vrednovanja prema Uredbi o jedinstvenim kriterijima („Službene novine Kantona Sarajevo, broj: 38/20), koja se dokazuje odgovarajućim dokumentima (potvrda, rješenje, uvjerenje i sl.) koji se prilažu prilikom prijave na Javni oglas, pozivajući se na poseban zakon po kojem imaju prednost.

Pravo na dodatne bodove ostvaruju branioci i članovi njihovih porodica pod sljedećim uslovima:

1) da imaju prebivalište/boravište u Kantonu Sarajevo i

2) da se nalaze na evidenciji JU „Služba za zapošljavanje Kantona Sarajevo" ili su zaposleni na određeno vrijeme ili su zaposleni sa nižom stručnom spremom od one koju posjeduju što dokazuju potvrdom poslodavca (navedeno u dijelu teksta javnog oglasa koji se odnosi na dokumentaciju koju dostavlja kandidat koji ostvaruje prednost pri zapošljavanju).

Kandidati koji budu izabrani dužni su dostaviti Uvjerenje o zdravstvenoj sposobnosti (ne starije od šest mjeseci).

Sa izabranim kandidatima zaključit će se Ugovor o radu sa probnim radom u trajanju od tri mjeseca.

Mjesto obavljanja rada: Univerzitet u Sarajevu – Stomatološki fakultet sa klinikama.

Radno vrijeme: 07:00 – 15:00h.

OBAVJEŠTENJE ZA KANDIDATE

- Pitanja, listu propisa i literature iz oblasti iz koje će se polagati pismeni i usmeni ispit, kandidat može preuzeti na Protokolu Univerziteta u Sarajevu – Stomatološkog fakulteta sa klinikama, odnosno na web stranici: www.sf.unsa.ba, u dijelu „Konkursi“ .

- Popis dokumentacije kojom se dokazuje status korisnika po predmetnoj Uredbi:

| Redni broj: | Pripadnost branilačkoj kategoriji | Naziv dokaza- dokumenta | Organ koji ga izdaje |
|-------------|---|--|---|
| 1. | Član porodice šehida/poginulog, umrlog i nestalog branioca | -Uvjerenje o statusu djeteta šehida-poginulog, umrlog i nestalog branioca -Rješenje o priznatom pravu na porodičnu invalidninu za suprugu šehida- poginulog, umrlog i nestalog branioca i -Uvjerenje o učešću u Oružanim snagama za šehida-poginulog, umrlog i nestalog branioca | Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta |
| 2. | Ratni vojni invalid | Rješenje o priznatom svojstvu ratnog vojnog invalida | Općinska služba za boračko-invalidsku zaštitu |
| 3. | Dobitnik ratnog priznanja i odlikovanja | Rješenje o priznatom pravu na mjesečno novčano primanje dobitniku priznanja | Općinska služba za boračko-invalidsku zaštitu |
| 4. | Demobilizirani branioci | Uvjerenje o učešću u Oružanim snagama | Grupa za pitanja evidencija iz oblasti vojne obaveze prema mjestu prebivališta |
| 5. | Dijete: a)ratnog vojnog invalida b)dobitnika ratnog priznanja i odlikovanja c)demobiliziranog branioca | Uvjerenje o statusu djeteta ratnog vojnog invalida Rješenje o priznatom pravu na: a)invalidninu b)mjesečni novčani dodatak c)uvjerenje o učešću u Oružanim snagama | a) i b) Općinska služba za boračko-invalidsku zaštitu c)Grupa za pitanja evidencija iz oblasti vojne obaveze prema mjestu prebivališta |
| 6. | Supruga ratnog vojnog invalida | Uvjerenje (o statusu bračnog druga ratnog vojnog invalida, odnosno pripadnosti boračkoj populaciji - dokaz o statusu korisnika prava) | a)Općinska služba za boračko-invalidsku zaštitu. |

Prijavu je potrebno dostaviti u roku od 15 (petnaest) dana od dana objave Javnog oglasa u dnevnom listu, na web stranici Univerziteta u Sarajevu, Univerziteta u Sarajevu – Stomatološkog fakulteta sa klinikama: www.sf.unsa.ba i na web stranici Službe za zapošljavanje Kantona Sarajevo.

Kandidati su obavezni dostaviti kompletnu dokumentaciju na javni oglas u zatvorenoj kovrti na kojoj su jasno naznačeni ime, prezime i adresa kandidata, sa naznakom „**NE OTVARAJ – PRIJAVA NA JAVNI OGLAS**“, te naznakom pozicije na koju kandidat konkuriše, a istu treba dostaviti do 17.12.2022. godine, lično na Protokolu Univerziteta u Sarajevu – Stomatološkog fakulteta sa klinikama ili poštom (preporučeno) na adresu:

UNIVERZITET U SARAJEVU - STOMATOLOŠKI FAKULTET SA KLINIKAMA
Bolnička 4a
71000 SARAJEVO
BOSNA I HERCEGOVINA

Kontakt telefon lica zaduženog za dodatna obavještenja:
Sekretar Komisije, **Safija Majunović – Sultanić, dipl. iur**
Kontakt telefon: 033 214 284

Broj: 01-3-1-252-16/22
Sarajevo, 02.12.2022. godine